

枝江縣志卷之二十

雜志

眠祓掌十輝之法以觀妖祥辨吉凶而大祝小祝遂有禴祭禳禱之事縣令之微無與燮理顧神降石言非無其所芝生麥秀固自有方外史掌四方之志者蓋以此至以漏澤名園此則本相賙相葬之意推而廣之

聖世深仁厚澤淪浹肌髓茲之纍纍在望者且恩加枯朽矣故並附雜志

枝江縣志

卷之二十

雜志

瑞應

晉武帝泰始四年麒麟見南郡枝江

宋書符瑞志

宋武帝永初元年八月癸巳白虎見枝江

宋書符瑞志

宋文帝在藩為宜都王時相傳江中九十九洲忽生一

洲文帝入繼大統

宋書地理志 見

梁元帝紀云太清末枝江揚子閘浦復生一洲羣臣上

表稱慶明年而帝即位

南史地理志 見

明嘉靖四十三年甲子城隍廟池中開並頭蓮二一是年

登文武科二人縣令裴若袞邑人任蜀渠撰碑記

國朝順治元年荆襄諸屬野麥自生通志

乾隆四十年有秋

五十一年有麥

五十二年有秋

嘉慶九年甲子福傳山塘開並頭蓮是年登文武科三

一人

十五年有秋

道光六年麥熟

二十三年麥大熟

枝江縣志

卷之二十

雜志

二

咸豐元年辛亥各洲垸麥穗兩歧者甚多

元年普興橋有田一坵麥出雙歧遍畝皆然

十年江口北鄉天雨豆

同治二年有秋

三年有麥

四年歲大熟

災異

唐敬宗寶曆元年荆南諸州旱唐書

宋濬熙十五年五月荆江溢宋史

元世祖至元十一年八月地震荆州舊志

順帝至正十一年八月地震

明宣德元年荆屬夏秋皆旱荆州舊志

宏治十一年大水

正德五年大旱

十一年大水

嘉靖二年大旱

四年水災

五年旱

枝江縣志

卷之二十 雜志

三

三十三年地震

三十五年雨雹如雞卵大旱

三十八年地震有聲

三十九年大水灌城民舍盡沒

隆慶六年蝗

萬曆元年蝗

三年四月朔日食天黑如夜羣雞盡鳴

六年九月彗星見於西方經月不滅

九年大饑人相食

十二年旱八月天裂

十五年五月雨雹大疫

十六年旱

十七年二月地震

十九年地震

三十年五月地震四次

四十年六月大水漂舍淹禾雷電大作民有震仆者

四十六年彗星見於東方

天啓七年大饑二麥不登民相聚劫食比穀熟饑民僅

枝江縣志

卷之二十

雜志

四

存壯者

崇禎七年地震

十年有異鳥約數百萬自北飛至響聲震地盡墮江死

十三年地震

十四年正月朔日食初四日日光摩盪自六月至九月

蝗禾苗食盡虎入民家十月一日晝黑如夜

十五年大饑

國朝順治元年秋大疫冬大饑

四年各鄉村多虎

五年大風樹木多有拔者虎暴甚行旅斷絕訛傳爲神
虎噬人人不敢捕縣令李花白懸重賞募能捕者虎
乃遠徙

九年大旱斗米千錢近山者掘木皮草根殆盡近湖採
菱芡蒲芽荷根度日

十年春大饑大水

十五年白水總有虎叩門人氏李美甫家食其妻子數
人是年百里洲民陳國禮家豕生子六足

康熙二年大水漂沒民居死屍浮水者旬日不絕

枝江縣志

卷之二十

雜志

五

三年彗星見於東方

九年大水民就高阜處鑿穴而居復多虎荒蛇害民逃
散者多

十二年彗星見於西方是年十一月吳三桂反

十八年大旱次年斗米值銀四錢

二十一年大水舟行小東門內

二十八年大旱

二十九年大饑開富戶捐納例始設常平倉知縣孟起
鳳奉文煮粥養饑民兩月

三十五年七月十日大水入城十五日方退南北大小堤同日潰決居民漂蕩廬舍如洗

三十六年大水潰東嘴堤

四十二年五月大風拔樹震屋雨雹損禾飄擲禾車數里外

五十一年大旱

五十三年大水決下百里洲隄

五十四年大水

五十六年五月二十八日申時地震有聲

枝江縣志

卷之二十

雜志

六

五十七年八月地震

雍正五年霖雨三月二麥浥爛秋禾莫穫逃散四方者

日以千數斗米值錢五百文冬六疫六年春月益甚

道殣相望屍填溝壑

乾隆二年五月十日戌時地震有聲

三年正月三日白龍見於西方

七年大水

二十一年饑穀米騰貴

二十六年饑

二十九年大水

三十二年大水

三十四年大水

四十三年六月至閏六月大旱四十八日秋糧顆粒無

收九月二十二三日大風雨水冰

四十四年春陰雨三月饑民凍死無算民掘觀音土及

榔樹皮葛根充食然賴以存活者僅十之二三知縣

秦武域領帑煮粥賑濟

五十年大旱饑斗米值錢八百文知縣陳元京奉文諭

枝江縣志

卷之二十 雜志

七

大戶輸助賑濟

五十三年六月十九日大水入城深丈餘漂流民舍無

數各洲隄垸俱潰

六十年春黑子盪日越明年丙辰教匪作亂

嘉慶元年六月十三日大水與戊申年同

二年六月十七日夜雨雹大如鵝卵禽鳥死傷積野

五年大旱饑斗米值錢八百文

十二年三月十二日雨雹

十六年三月二十八日雨雹

十八年八月十六日大水入城各洲隄潰

十九年春大疫互相傳染家屬多相繼死者四月十三日大雨雹

道光三年有蟲似蠶長二三寸黝而毛生松樹間食其葉老則作繭變蛾育子不絕至六年雨雹三日始滅四年十一月十三日未時地震有聲邑西山多竦其狀不一具馬驢犬形噬鄉民小兒甚衆五年乙酉竦入城

五年江北施家岡虎入民家四月八日大雨雹江南北

枝江縣志

卷之二十一 雜志

八

損豆麥無數

六年二月十四日亥時地震是年大水潰下百里洲隄七年六月十三日大水入城各處隄決僅保全上百里洲及漸洋洲

十年江水大漲入城諸洲隄皆決廬舍漂流人民淹斃無算良田多爲沙淤

十五年大旱六月十九日得雨禾復豐收

十九年大水入城

二十年大水入城

二十一年春三月陰雨不絕民大饑斗米值錢八百文
二十四年大水入城

二十六年大水入城

二十八年大水入城洲隄盡潰

二十九年大水入城六月霖雨連日民大饑斗米值錢

八百文

三十年三月二十八日戌時地震有聲

咸豐二年壬子五月十七日巳刻炎日當空天無片雲

有白龍降於瓦窰湖垵蜿蜒行數里至居民熊姓宅

枝江縣志

卷之二十

雜志

九

旁忽掉尾騰空去經過處僅折樹一枝餘無所損

五年十一月五日未申二時四鄉堰水皆騰起二三尺

溢出隄外跌蕩久之始定

六年丙辰冬月葦市火延燒市廛八九百家

七年蝗知縣張長泰捐廉募捕禾不爲害

十年五月大雨如注日夜不止江水大漲二十五日夜

西門城決水入城至東門湧出大江民舍漂沒殆盡

其不沒者惟福傳金雞兩山而已淹漬二十餘日沿

江炊烟斷絕災民嗷嗷知縣朱錫綬竭力拯濟勸殷

富出錢米以賑計口給食活人無算邑數百年未有之患也七月八日戌時地震有聲

十一年五月彗星見於北方尾指南長竟天

同治元年五月長樂壩虹降

二年二月七日申刻江風大作覆舟淹斃人民無算沿岸廬舍樹木多爲摧折

三年七月三日辰刻地震有聲

漏澤附

一在縣南三里白船廟右自港嘴起至三里橋止東抵

枝江縣志

卷之二十 雜志

十

江西抵路南抵橋北抵廟港計三十二畝七分七釐舊志故明巡道周價買民地並鄉官史學魚所施雍正十年前令傅採清丈出有碑

一在董灘口廟港上陸地一段係

國朝巡按聶價買民地有碑記

一在江口後木魚山下計陸地五畝東抵張聖哲田西抵覃公俊田北抵木魚山南抵本田耆民吳天璧於康熙五十一年價買民地捐施

一在縣南二里土橋傍東抵大路西抵山嶺南抵土石

嘴北抵大石岩計丈一十四畝乾隆四年邑民薛子和薛思忠薛文露薛碩彥薛雨田義捐己業荒坡一在江口後孫家湖北岸計丈八十畝乾隆五年知縣王世爵因市近江濱路通楚蜀商旅絡繹每客死溺死者無地理厝乃於湖後無主老荒地詳請設立令就近紳士耆民經理之有碑記

一在上百里洲尤家臺北計丈三畝餘東西北抵尤姓田南抵溝外路心邑監生尤傑全弟尤泉置

一在沙沱市計陸地四畝三分東抵河心西抵東壇官

枝江縣志

卷之二十 雜志

七

地古硬南抵古巷路北抵李姓牆脚係江南太平縣民王明耀於嘉慶二十二年價買李玉輝地收埋江中浮屍前令黃臺給示勒石

一在澌洲南計陸地一塊長六十五弓南橫二十弓零北橫十七弓零洲人彭廷廷捐置

王志曰人死血肉歸土乃反其真故制爲葬埋令死者有所歸焉不幸而無所歸則上之人爲之歸之掩骼藏骸古仁人君子之用心出自至情非以市德也後世漏澤園之設師其美意廣茲仁愛州縣俱有之

其名漏澤者何不毛之土賦稅不及俾茲無主枯骸
依爲邱首王恩滲漏點滴均沾故以爲名一切死於
客死於兵死於水火死於凍餒俱收而瘞之而後烏
鳶不得而飽狐狸不得而食蠅蚋不得而嘍夜臺有
知當必無憾於九泉而淒風苦雨之悲號永息矣後
之牧斯土者其以是爲當務之急焉不然做帷做蓋
之恩尙施之犬馬而何況於人節錄

敦本堂附

文昌宮右公置官墻坪水田二處計種一石每年收租

枝江縣志

卷之二十

雜志

三

穀拾石又寶塔嶺義地一段週圍計丈一百六十弓
楊有容捐同治五年子庠生開培又捐嶺南地一段
附記

還冤記梁廬陵王蕭續爲荊州刺史時有枝江令吳某
將還揚州被王要結不肯住遂使人於道擊殺之舉
家數十口並從沈溺後數年得疾日夜常見吳王但
曰寬我寬我少時而薨

見太平廣
記增

廣古今五行記梁侯景亂枝江人劉敏於江中接一豫
章木大數十圍敏求以施入寺陸法和曰此木正可

與君家自用斂不寤此語後十餘日斂婦亡卽解用此木爲棺法和曰猶未了更一月斂弟亡用此木僅

足見太平廣記增

朝野僉載唐荊州枝江縣主簿夏榮判冥司縣丞張景先寵一婢其妻楊氏妬之景出使不在妻殺婢投之於厠景至給之曰婢逃矣景以妻酷虐不問也婢訟之於榮榮追對之問景曰公夫人病困說形狀景疑其有私也怒之榮曰公夫人枉殺婢投於厠今見推勘公試問之景悟問其婦婦病甚具首其事榮令厠

枝江縣志

卷之二十 雜志

內取其骸骨香湯浴之厚加殯葬婢不肯放月餘而

卒見太平廣記增

北夢瑣言盧程擢進士第爲莊皇帝河東判官建國後命相無他才業惟以氏族傲物任園常以公事入謁程烏紗隱几謂園曰公口足蟲豸輒來唐突園慙愕驟告莊宗大怒俾殺之爲盧質救解獲免自是出中書時人切齒焉江陵在唐時流衣冠澤藪人言琵琶多於飯甑措大多於鯽魚有口已宰盧生每於枝江縣差船入府舟子常苦之一旦下仙芝兵火盧生爲船人挑

其筋擊於船舷放流而死大凡無藝子弟率以門閥
輕薄廣明之亂遭罹甚多咸自致也見太平廣
記增

范豺者巴西閬中人也久阻四枝江百里洲修太平無為
之道臨日噓激頃有五色日光起冬夏惟單布衣其占

吉凶雖萬里外事皆如指掌雲笈七
籤增

術士董元素自江南來宣宗不夜詔與語曰今南中柑橘
正熟卿能致之否元素曰請安一盒於御榻前數刻

有微風入簾啓盒則柑子滿其中奏曰此乃江陵枝

江縣柑也上嘗之驚嘆見府志備遺異文錄作漢武
帝事府志但曰宣宗不繫以

枝江縣志 卷之二十 雜志 十四

代王志則作唐
宣宗未詳孰是

張省躬枝江縣令汀之子父死因往枝江有張垂者下

第客死於蜀省躬素未識太和八年省躬晝夢垂贈

詩一首云戚戚復戚戚秋堂百年色而我獨茫茫荒

郊遇寒食驚覺遂錄其詩數月而卒段成式酉陽
雜俎增

江陵松滋枝江村射鹿者率以淘河鳥脛骨為管以鹿

心上脂膜作簧吹作鹿聲有大號小號呦呦之異或

作鹿鹿聲則麋鹿畢集蓋為牝聲所誘人得殼矢而

注之南中多鹿每牡管牝百頭至春羸瘦蓋遊牝多

也及夏則惟食菖蒲一味却肥當角解時其茸甚痛
獵人逢之不敢逸走伏而不動獵者以繩繫其茸截
取之先以其血來噉然後斃鹿何其苦也夫獠麝孔
雀以有用賈害良可愍之

北夢瑣
言增

棧江父老言江中一水怪或上或下流走無定所如瓶
口沈水中骨突一聲響徹十餘里將有大水潰隄必
先聞其聲土人以此占隄休咎頗驗相傳劉縱入蜀
時失御賜寶瓶於此久而作怪理或有之

順治十三年丙申松滋縣妖民王姓者僞言神降於棧

棧江縣志

卷之二十

雜志

五

江附在己身能預以禍福告人一時燒香祈福者日
千百人邑生楊際春以杖擊之其人夜遁衆始知其
僞

唐王劇賊也黃充捕役陰主賊行竊坐受其贓城中盜
風大熾縣令陳惠榮偵知之捕之急玉懼不得脫遣
其黨姜文夜踰垣入內宅直造惠榮寢所挾刃欲刺
之距牀五步盤辟不得進夫人○驚呼有賊擊之以
竿公亦寤諦視其人曰狂奴何敢爾文遁越三日與
玉俱被獲鞫得不法狀寔之獄玉田廬悉入官

縣署堂階下有古樹焉不知爲何代物也本同枝異高約二丈餘向西爲楊偏東爲柳習見者以爲常故老憩其下每徘徊不能去連理耶合歡耶旁枝而內附耶例以甘棠幸勿剪伐比之嘉樹慎乃封殖

友蟬氏曰周禮馮相司天文之常保章司天文之變言乎變則災爲變祥亦爲變且地震人妖物異皆天變也觀枝江一志天地人物之變備矣夫麒麟見枝江事屬東晉而載於宋符瑞志易代之後其不爲諛詞也明甚宋宜都王由藩入繼梁湘東王荊州卽位

枝江縣志

卷之二十

雜志

六

當時九十九洲俱增其一以滿百數洲非僻島迷離有目共覩可謂誣乎以五行之沴氣上爲日蝕星孛下爲水旱蝗蝻補救消除之道卽存乎其間昔鄭氏通志有災祥畧今所志者亦猶是已若夫仁人君子推恩掩骼使無依之魄不至游魂爲變轉爲癘疫五勝埋愁九幽泯恨一邑之事於是畢一邑之志亦以是備焉

